

菽莊主人四十壽言

黃搏扶
題簽



叔臧侍郎暨配龔夫人四十雙壽

恩施
樊增祥 雲門

冠時才望近無倫
襃姁頻聞拜紫綸
橫舍擇精興譯學
茨防捍患撫流民
相莊黻佩賡偕老
傳業縑緗付後昆
天與長贏佳歲月
海南鞠脰正芳辰

錢塘
吳士鑑 絅齋

流略淹該腹笥儲
承家卿寺佩緋魚
劉樊仙眷千秋並
王謝清風六代餘
原富精擘斯密論
治生遠采計然書

綠榕丹荔輝炎服
偁祝鏘洋徧里閭

諸城

徐堉
仁甫

海國卿雲望遠天
齊眉應是地行仙
台嬭列宿稱雙曜
詩禮同堂號二賢
富壽共膺九五福
春秋合祝八千年
萊衣簪笏良堪羨
遙頌期頤獻舞筵

濰縣

王壽彭
次錢

一代才名震邇遐
日新大業世爭誇
聲騰遁駿隨三坐
患免其魚頌萬家
興學不分中與外
通商惟取實無華

咳蘭養志齊眉樂壽介蒲觴合醉霞

清河

田步蟾

桂舫

蒲酒盈盈北海觴
忻逢佳節近端陽
筭珈象服人偕老
閨閔江澤孔長欄
外朱榴開似錦階
前玉樹粲成行
延年更喜宜孫子
吉語還樵漢瓦當

雲南

呂鑄

壽生

碧山家世舊南台
絕島波濤一棹回
養士百年經久計
阜商六國濟時才
梅花眷屬房中曲
竹葉光陰海上杯

玉樹庭堦能繼起安榴紅映壽筵開

閩縣

卓孝復

芝南

翩翩裘馬逐風塵京洛相逢幾度春
范蠡一生精治產梁鴻孤詣怕因人
曾沾雨露田園熟已過滄桑歲月新
強仕年華胡不出也隨梅鶴作遺民

閩縣

林

紆

畏廬

四十年前過板橋陳陳景物憶前朝
却看魯殿靈光在坐見昆明劫燹銷
一老精神寄山水諸郎英發想風標

勲名寧爲先生祝但把喬松媿後彫

隴右張澂雁初

君家世德邁逋仙海嶠潛身避劫煙洞悉憂危時抵掌
莫辭艱鉅仗仔肩雙懸弧悅同心侶七葉箕裘不惑年
瘡痍東南方待澤祝公眉壽慰蒼天

叔臧先生暨龔夫人四艷雙慶

新建曹本章燕甫

鯤洋鯤壑望中收椰樹桐華話昔遊漫寫圖經前職貢

已移瀛海古旂旂綿綿世澤留瓜瓞燦燦星文指女牛
盛日龍沙開勝會盡抽意緒入觥籌

六行槐柳倚瓊天君是僊曹舊散僊秀出東南無可讓
聲高華望蚤遙傳宏材竟用能經國名策還存感逝川
喚起大撓論甲子題篇常在義熙前

愛聽詩人詠白華春風陔景茁蘭芽金彝典重仍佗日
羅紙光榮見大家門子增虔擷朱萼羣仙嚶引侑流霞
天機清妙天庥篤錫嘏甄祥莫比遐

島嶼縈迴照海濱高風甫里與情親行年不惑堪希聖
受性惟穌能飲人欲按琴絲賡雅唱借鈔朮序結芳鄰
從來眞隱多陀齒珍重貞松護翠筠

番禺

王國瑞進之

昔歲曾爲新竹宰與君應作世交論滄桑幾變成陳迹
弧悅雙輝仰德門鴻案齊眉佳話在鯤瀛入目故園存
春秋鼎盛年無量獻壽聊開北海尊

蕭山

來玉林彥士

梅鶴襟懷遠俗埃洞天買地築吟臺怡情山水延齡術
卷羽岩阿貳部才滿目兒孫侔荀薛百年伉儷結陳雷
榴花爲祝期頤壽此去還看六十開

衡陽

沈琇瑩

琛笙

板橋家世舊知名玉斧重修十二城卜式輸財天子歎
夷吾畫策海王驚碧雞黃馬搜奇語紫杜紅蘭寫艷情
我亦鷺江吟社客遙飛蒲棧祝長生

長

樂

潘炳年

耀

如

絕好風光四月天榴花如火瑞桃妍
恰從覽揆開初度怪底知非早
十年自在吟身參島佛大難清福
媿逋仙鷺江韻事今重見多少羣
英集綺筵

侯官

吳徵鼇

曉秋

神仙富貴說雙修四十年華孰與儔
左省簪纓膺特達郭家錢帛積能賙
雀環世德箕裘遠鴻案名門禮教優
想見新園長夏樂歡騰蘭桂鶴添籌

閩縣

陳海梅

香雪

福慧雙脩四十春
德門弧悅綺筵新
眼看桑海更番劫
身是桃源避地民
重起樓臺爲隱所
相誇堂構數家珍
盛年一个黃冠客
處士孤山此替人

閩縣

陳恩燾
幼庸

臺嶠移家鷺嶼邊
滄桑過眼任推遷
一身仕隱皆無迹
未老兒孫已滿前
展拓林園娛歲月
主持壇坫結因緣
况逢瑤島榴花放
寶婺雙輝照綺筵

長

樂

陳君耀
耀雨

天將全福畀斯人尋得桃源作隱淪
水木自饒濠濮趣園林日與菊松親
肯因時望思強仕安有高風溷劫塵
月展圓光桐紀閏太和併釀一家春

侯官

黃允中

執齋

興學調饑若揀燃兼籌教養意拳拳
身當強仕偏蛛隱眼見多男更象賢
買墅聊爲偕老計薦書曾却屢徵年
孤山清福梅花共喜看逋僊醉綺筵

莆田

江春霖

杏邨

京華一別十年餘轉瞬誰知國竟墟
橋梓幾曾叨懋賞
菊松不復拜徵書
東山出後應慙汝
北闕歸來早起予
偕隱鹿門身已老
紅顏軒冕棄何如

閩縣

于君彥

幼穉

海上誰人識故侯
角巾卉服自優游
萬家舉目真相待
鄰邑沈災善爲謀
新闢園林娛夏日
肯將簪組溷名流
森森庭桂齊眉案
偕老詩賡未白頭

侯官

廖毓英

笠樵

每思林臥侶漁樵亦却車徵謝市朝強仕年華甘蟄伏
閒居文字薄蟲雕積金善散人能道舉案相莊福更饒
况復含飴忘世變菽莊風月任逍遙

祝蒨康

喬臣

赤縣官曹擁才傑板橋一老獨超絕昔曾簪笏今儒冠
圖史琴書自怡悅問年強仕尙不仕家人歡洽勝朝列
小詩遙致祝觥詞頤養精神登耄耄

張南英

雲宜

強仕偏高不仕風
鷺江偕老有梁鴻
薦徵屢却功名薄
教養兼籌胞與同
詎讓汾陽誇七子
別營綠野謝羣公
雙修福慧神僊侶
好對榴花醉碧筒

陳海鼇

襟字

閩南韻事集風騷
壽宴聯吟引興豪
身是逋仙呈骨相
人從公瑾飲醇醪
繁華閱盡歸平淡
海嶠韜深養羽毛
丹訣長生君記取
嬰兒中酒樂陶陶

閩

縣

王宣辰

泉麥

乾坤莽莽酒杯寬
隱士誰知本達官
盟府勲名垂竹帛
仙源眷屬見衣冠
怡情泉石吟身健
變色風雲倦眼看
識閨更欣桐葉翠
蟾圓三夜展餘歡

長樂

陳毓琦

壽崑

避地歸來隱海東
平原高義魯連風
匡居嘯傲眞名士
時局淪胥望我公
別築園林聊寄意
縱蘇飢溺不言功
君家梅鶴皆仙屬
知學長生訣自工

閩縣

陳柏侯

伯謙

四十華年方強仕偏耽林隱足栖遲坐憑闕閱承先業
小築園亭樂歲時岐嶷諸郎差可喜期頤上壽此爲基
君名耳熟慳謀面聊付郵筒祝一詩

劉文昉

雲生

俚辭曾和菽莊詩又值先生覽揆期安土重遷寧遠志
惠工勸學盡宏規大家渤海商歸隱七子汾陽合祝釐
更羨黑頭名已遂東山高臥且觀時

葉大琛

獻恭